


cyngor doeth am

# GYLLID I FYFYRWYR



## Esbonio cyllid i fyfyrwyr i rieni

### 2017/18



### A fydd eich plentyn yn mynd i'r brifysgol neu'r coleg? A ydych yn ystyried sut y bydd yn talu am ei gwrs? Mae Cyllid Myfyrwyr Cymru yma i helpu.

Mae Cyllid Myfyrwyr Cymru yn wasanaeth a ddarparir gan y Cwmni Benthyciadau i Fyfyrwyr. Rydym yn darparu cyllid i fyfyrwyr ar ran Llywodraeth Cymru i fyfyrwyr o Gymru sy'n cychwyn ar gwrs addysg uwch yn y Deyrnas Unedig.

### Esbonio cyllid i fyfyrwyr

Pan fydd yn y brifysgol neu'r coleg, bydd gan eich plentyn ddwy brif gost – ffioedd dysgu a chostau byw. Yn ddibynnol ar amgylchiadau eich plentyn, ei gwrs a ble mae'n astudio, gall gael amrediad o gymorth ariannol i'w helpu i dalu'r ddau. Ceir benthyciadau (y bydd yn rhaid eu talu'n ôl) a grantiau a bwrsariaethau (na fydd yn rhaid eu talu'n ôl).

### Beth sydd ar gael?

Yn ddibynnol ar ble bydd yn astudio, efallai y bydd yn gallu cael Benthyciad Ffioedd Dysgu a Grant Ffioedd i dalu ffioedd dysgu, tra bod Benthyciad Cynhaliath a Grant Dysgu Llywodraeth Cymru yn helpu talu costau byw megis rhent a biliau.

Mae Grant Dysgu Llywodraeth Cymru a'r Benthyciad Cynhaliath yn ddibynnol ar incwm y cartref - hynny yw, eich incwm chi a'ch gŵr, gwraig, partner sifil neu bartner. Nid yw'r Benthyciad Cynhaliath sylfaenol (75% o'r gyfradd uchaf) yn dibynnu ar incwm eich cartref, ond mae'r 25% sy'n weddill yn dibynnu arno.

### Help ychwanegol

Mae yna help ychwanegol ar gael hefyd ar gyfer y rhai gydag amgylchiadau penodol, er enghraifft, myfyrwyr sydd â phlant neu oedolyn dibynnol, anabled, yn cynnwys cyflwr iechyd hirdymor, cyflwr iechyd meddwl neu anhawster dysgu penodol.


Gallwch gael rhagor o wybodaeth am yr help ychwanegol hwn ar ein gwefan [www.cyllidmyfyrwyr.cymru.co.uk](http://www.cyllidmyfyrwyr.cymru.co.uk)

### Sut fydd fy mhentyn yn ad-dalu?

Dim ond wedi gadael y brifysgol neu'r coleg fydd eich plentyn angen dechrau ad-dalu, ac os yw ei incwm dros £21,000 y flwyddyn. Bydd y swm y bydd yn ei ad-dalu yn ddibynnol ar ei incwm ac nid faint a fenthycodd.

Codir llog ar eich plentyn o'r diwrnod y gwneir y taliad cyntaf nes bydd y benthyciad wedi ei ad-dalu'n llawn neu ei ganslo. Mae'r gyfradd llog yn seiliedig ar Fynegai Prisiau Manwerthu'r Deyrnas Unedig (RPI), a bydd yn amrywio yn ddibynnol ar ei amgylchiadau.

Am ragor o wybodaeth ewch i [www.slc.co.uk/ad-dalu](http://www.slc.co.uk/ad-dalu)



cyllid myfyrwyr **cymru**  
student finance **wales**



# Gwneud cais a chael eich talu

## Beth sydd angen i chi a'ch plentyn wneud

- 1** Gall eich plentyn ymgeisio am gyllid i fyfyrwyr cyn derbyn lle yn y brifysgol neu'r coleg.
- 2** Y ffordd gyflymaf a hawsaf o wneud cais yw ar-lein trwy droi at [www.cyllidmyfyrwryrcymru.co.uk](http://www.cyllidmyfyrwryrcymru.co.uk). Mae'n bwysig ei fod yn ymgeisio cyn gynted ag y bydd y gwasanaeth ymgeisio yn agor i wneud yn siŵr fod cyllid i fyfyrwyr yn barod ar gyfer dechrau ei gwrs.
- 3** Os bydd eich plentyn yn gwneud cais am y Benthyciad Ffioedd Dysgu, y Grant Ffioedd a'r Benthyciad Cynhaliath sylfaenol (y rhan nad yw'n dibynnu ar incwm eich cartref) yn unig, gall lenwi'r cais ac ni fydd yn rhaid i chi wneud unrhyw beth.
- 4** Os bydd eich plentyn yn gwneud cais am gyllid i fyfyrwyr sy'n dibynnu ar incwm eich cartref, byddwch yn cael neges e-bost yn rhoi gwybod i chi ei bod yn bryd cofrestru cyfrif ar-lein.
- 5** Gofynnir i chi ddarparu eich rhif Yswiriant Gwladol a manylion eich incwm. Gofynnir i'ch gŵr, eich gwraig, eich partner sifil neu'ch partner am ei fanylion/manylion ar wahân, a byddwn yn eu cyfuno er mwyn cael incwm eich cartref.
- 6** Byddwn yn defnyddio eich rhif Yswiriant Gwladol i gadarnhau eich incwm yn uniongyrchol gyda HMRC.
- 7** Yna, efallai y byddwn yn cysylltu â chi i ofyn i chi anfon tystiolaeth neu wybodaeth bellach atom i gefnogi'r hyn yr ydych wedi'i ddweud wrthym.
- 8** Byddwn yn asesu'r cais a lanwyd, gan anfon llythyr Hawl i gael Cyllid i Fyfyrwyr at eich plentyn.
- 9** Rhaid i'ch plentyn fynd â'i llythyr Hawl i gael Cyllid i Fyfyrwyr i'w brifysgol neu goleg pan fydd yn cofrestru.
- 10** Bydd ei brifysgol neu goleg yn dweud wrthym fod eich plentyn wedi cofrestru.
- 11** Yna, byddwn yn talu'r rhandaliad cyntaf o dri rhandaliad Grant Dysgu Llywodraeth Cymru a/neu daliadau Benthyciad Cynhaliath i gyfrif banc eich plentyn. Byddwn hefyd yn talu Benthyciad Ffioedd Dysgu a Grant Ffioedd eich plentyn yn uniongyrchol i'r brifysgol neu goleg. Bydd y cyllid i fyfyrwyr yn cael ei dalu ar ddechrau bob tymor.

Am fwy o wybodaeth ac arweiniad, ewch i [www.cyllidmyfyrwryrcymru.co.uk](http://www.cyllidmyfyrwryrcymru.co.uk)

**f** [facebook.com/SFWales](https://www.facebook.com/SFWales)

 [twitter.com/SF\\_Wales](https://twitter.com/SF_Wales)

**You** [youtube.com/SFWfilm](https://www.youtube.com/SFWfilm)

cyngor doeth am

**GYLLID I FYFYRWYR**

cyllid myfyrwyr **cymru**  
student finance **wales**

